

Headline	APMM Sarawak sertai Ops Benteng perketat kawalan perairan negara		
MediaTitle	Utusan Borneo Sarawak		
Date	29 May 2020	Color	Black/white
Section	News	Circulation	31,034
Page No	2	Readership	93,102
Language	Malay	ArticleSize	272 cm ²
Journalist	N/A	AdValue	RM 1,014
Frequency	Daily (EM)	PR Value	RM 3,042



APMM Sarawak sertai Ops Benteng perketat kawalan perairan negara

KUCHING: Agensi Penguatkuasaan Maritim Malaysia (APMM) Sarawak bersama Tentera Laut Diraja Malaysia (TLDM) dan Pasukan Polis Marin (PPM) mewujudkan kerjasama bagi memperkukuhkan benteng sempadan perairan Malaysia-Indonesia khasnya kawasan perairan Tanjung Datu.

Pengarah APMM Sarawak Laksamana Pertama Maritim Robert Teh Geok Chuan berkata, ia susulan beberapa cubaan pendatang asing tanpa izin (PATI) untuk mencerooboh masuk ke Malaysia sejak kebelakangan ini.

Tegasnya, operasi bersepadu yang dilaksanakan bukan sahaja bagi mengekang kemasukan warga asing secara haram ke Sarawak, malah juga sebagai langkah pencegahan kepada jenayah rentas sempadan seperti pemerdagangan manusia, penyeludupan barang terkawal, penyeludupan senjata dan penyeludupan dadah serta bagi mengekang penularan wabak COVID-19 ke dalam negara.

"Ops Benteng diaktifkan pada 12 Mei lalu di bawah Pasukan Petugas Kebangsaan (NTF) dengan Angkatan Tentera Malaysia (ATM) diberi mandat untuk menyelaras operasi kawalan persempadanan negara bersama-sama agensi penguatkuasaan lain termasuk APMM, Polis Diraja Malay-



BANTU: Agensi Penguatkuasaan Maritim Malaysia Sarawak menyampaikan sumbangan kepada sebuah keluarga di Kampung Muara Tebas.

sia (PDRM), Kementerian Kesihatan Malaysia (KKM), Angkatan Pertahanan Awam Malaysia (APM), Jabatan Imigresen Malaysia (JIM) serta Sukarelawan Malaysia.

"Jalinan kerjasama antara beberapa agensi ini juga merupakan inisiatif kerajaan bagi memperkasa dan mengoptimumkan penggunaan aset-aset kerajaan didalam mengawal perairan negara," katanya dalam kenyataan semalam.

Tambah Robert, walau-

pun jenayah melalui jalan air antara sempadan negeri Sarawak dan Indonesia boleh dikategorikan dalam peraturan yang agak rendah, tetapi APMM sebagai penguat kuasa yang dipertanggungjawabkan untuk menjaga perairan negara sentiasa mengambil langkah pencegahan perlakuan jenayah yang mungkin akan berlaku.

Selain itu katanya, APMM Sarawak turut menyampaikan sumbangan berupa wang tunai kepada sebuah keluarga

yang ditimpa musibah apabila rumah di Kampung Muara Tebas yang juga merupakan Kampung Angkat Maritim Negeri Sarawak musnah dijilat api dalam kebakaran yang berlaku pada 23 Mei lalu.

"Saya berharap sumbangan yang disampaikan dapat meringankan beban yang ditanggung oleh keluarga tersebut.

"Ia merupakan hasil kutipan derma kilat yang dilancarkan oleh warga Maritim Negeri Sarawak," ujarnya.